

城池志

稽之大易重門擊柝以待暴客蓋取諸豫禮運云城郭
溝池以爲固蓋城者盛也所以盛人民也管子謂城大
而田野淺狹者其野不足以養其民城大而人民寡者
其民不足以守其城有國者爲長治久安之計必有深
溝高壘永奠金湯焉夔郡爲全蜀咽喉仰崇墉而俯峻
壑苞桑磐石之安亦可覘其大概矣作城池志

夔州府

奉節縣

附郭

夔州府志

卷四

城池

一

此古魚復治也漢改曰永安唐改曰奉節與白帝瞿唐
關迭爲興廢明成化十年郡守李晟砌以磚石東南四
百八十七丈五尺西北四百八十七丈五尺爲門五東
門郡守張廷柏匾曰瞿唐天險西門巡撫王大用匾曰
全蜀咽喉南門副史王喬齡匾曰縱目小南門通判張
世宜匾曰觀瀾北門郡守吳潛匾曰肅威後枕高山前
臨大江蓋全蜀重鎮也西北一帶聚山峭岬下窺通城
勢難守禦萬曆二年知府郭棐議建敵樓二座詳允創
建今圮北門亦閉西有水洞門

國朝於康熙二十三年本府同知王知人奉文查勘城垣一座高一丈八尺周圍五里四分計九百七十五丈開設五門曰賓陽薰德時阜來威肅成乾隆三十五年前奉節縣王奕瞻前雲陽縣詹仰請項承修至四十四年間有坍塌經前府臣柱捐廉修補迨後坍塌日甚乾隆五十四年前奉節縣沈達勘估貳百伍拾伍丈又續坍叁丈臙裂壹百叁拾丈零五尺因地處腹內詳請列入緩修項下咨部有案嗣後歷年久遠又續坍貳拾丈零伍尺合計先後共坍塌貳百柒拾捌丈伍尺臙裂壹百

夔州府志

卷四

城池

二

叁拾丈零伍尺經前府周景福鄧燝二次補修坍塌處所共叁拾貳丈捌尺臙裂處所共貳拾丈又前府楊世英補修過坍塌處所拾叁丈臙裂處所柒丈知府恩成於道光三年到任陸續補修過坍塌處所拾柒丈叁尺臙裂處所貳拾壹丈陸尺以上除各任前後補修外實在計坍塌未修處所尚有貳百壹拾伍丈肆尺臙裂未修處所捌拾壹丈玖尺共需工料銀玖千肆百餘兩又歐家缺濱臨大江必須砌築保壩共需工料銀貳千餘兩又大南門城樓一座早經坍塌小南門城樓一座亦

俱倒塌大東門小東門西門三處城樓均皆坍塌計城樓新造兩座補修叁座共需工料銀壹千玖百叁拾餘兩又大南門小南門城圈隙裂計折造城圈兩處共需工料銀捌百柒拾餘兩又城堞坍塌壹千餘座需工料銀叁百兩又海墘滲漏叁百餘丈全行補整需用工料銀肆百兩又沿城舊保壩全行修整需用工料銀伍百兩通盤核算連雜用共需銀壹萬伍千玖百餘兩知府恩成認捐四成以六成作為按任攤款具稟 各大憲批准有案自道光四年十一月初一日興工至道光六

夔州府志

卷四

城池

三

年十二月初一日工竣因大南門歐家缺一帶濱臨大江土內石工甚巨工程比原估較多及馬王廟後身西門右邊續行坍塌者補修二處又北洞門內保壩一處二項工程均在原報之外通其實用夔城市秤紋銀二萬二千八百八十八兩零三分零五毫折實庫秤紋銀二萬一千七百四十三兩六錢二分八釐九毫七絲五忽除原估銀一萬五千九百餘十兩合作成數一萬六千兩實多用銀五千七百四十三兩零前既未經估及且攤數較多恐致軫轍所有多用銀五千七百四十三

兩零知府恩成捐廉賠出至原估銀一萬五千九百餘
十兩合作成數一萬六千兩除認賠多用銀五千七百
四十三兩零外所有原估一萬六千兩內仍照原議認
捐四成並零數應認銀六千四百兩尚有銀九千六百
兩請自道光六年十二月初一日工竣之日起無論正
署任分作八年攤還知府恩成實共捐銀一萬二千一
百餘兩工竣復稟 大憲批准有案

城池形勢說

易曰王公設險以守其國夔州城池可謂天設之險後

夔州府志

卷四

城池

四

以卧龍山爲屏障城跨山之半腰前以岷江瞿唐爲天
塹諸葛武侯之八陣圖在焉左以西瀼水爲環拱西瀼
水自千頃池來源遠流長南人大江出口處恰有八陣
磧阻之瀼水折而西流從東門繞南門入江堪輿家以
爲此富貴之象右以閣風溪三岔溪爲襟帶文山天馬
山勝已山在大江南岸爲文峰東南赤甲白鹽爲掛榜
山水出夔門滙爲瞿唐峽其砥柱中流者灩澦堆也白
帝城馬嶺爲東路關隘蓮花峯箭樓爲西路關隘一夫
當關萬夫莫開焉用鐵柱鎖江爲哉

夔郡城內民房草屋居多易招火患道光三年奉節縣
萬承蔭捐資將草房折葢瓦房知府恩成到任陸續捐
錢壹千七百千文發給奉節縣承領將草屋全行改造
瓦房連年來竟無火災

城中所少者水也明郡守許宗鑑記曰夔城舊故無井
居民悉汲飲於江接筒引水昉自漢武侯迄宋有權水
錢王梅溪氏倡罷之其蹟今皆莫覈我朝前張東坪公
自侯家嶺引水至府治官資其利民江飲如故予乃別
踪水源一自江家坪會馬蝗溪下流引以瓦筒其山溪

夔州府志

卷四

城池

五

不可瓦埋之地以木槽續之凡泉行所經爲溪者十有
一爲嶺者十有二地以里計者如之一自翟家坪會馬
蝗溪上流引以石筧迤嶺而下尤爲徑直來自山後正
北至城始與東坪公所引之水自西北來者異股合流
源始浩大公私均給焉仍沿山置守戶有若干人夔城
有池數口曰流澗曰化龍曰武功曰漾翠曰通濟曰注
香曰利民曰太平舊鑿以豬匏水歲久湮塞如平地每
春夏之交雨澤覃降水無委積夫思患預防爲政者事
萬一城池有警有此水涓滴皆民命濬之不可獨後矧

夔地燥剛山峭削多火形數池碁布星列亦可以制服剛頑而和燮其氣爰命工皆深其濬化龍瀆翠二池又繚以茨垣俾無垢水泓清可飲茲各識其池之深廣若干與諸泉並列於碑以俟後之同志者考焉按此記言夔城水法源委悉備大哉繼武侯梅谿之功者許公也以後歷任間有修補總不能復許公之舊八池今多湮沒僅存一二道光三年知縣萬承蔭爲濬利民池潤澤池桂花井自於衙署置太平池令城內居民舖戶各於街坊置太平池時時貯水知府恩成又製造救火器具

夔州府志

卷四

一城池

六

演習人夫以備不虞復於城西水洞門內掘得溥利井一眼泉水甚旺小民受福無窮也

文峰塔在城東南山麓去城五里卽古之瞿唐關也嘉慶二十三年調任成都府知府原任夔州府知府楊世英捐銀數百兩發交奉節縣知縣王如琯建立名曰耀奎塔以培風水塔成後三科折桂者五人董其事者紳士樊璣黎廷琬胡珠張鈐劉忠誥王有聲冉崇恭馬士夔王士俊徐鑑丁儀山李友鶴也數人各有捐輸及募化銀兩功無私焉

巫山縣

巫山縣漢隸南郡吳孫休分爲建平郡緣山爲壩周十里一百一十步東西北三面皆帶旁溪深谷南面岷江環之明正德二年知縣唐書正其方位東帶寧河南瞰大江西倚高唐觀北包陽臺山築脩石城爲門四曰叢秀巫山會仙陽臺嘉靖二十九年大水城塌萬曆元年知縣趙時鳳重修周圍七百五十七丈高一丈八尺垛口三百六十高五尺後知縣張維任因縣多火災更四門之名以鎮之東曰永清南曰臨江西曰廣濟北曰鎮源後毀於兵燹

夔州府志

卷四

城池

七

國朝乾隆三十二年知縣朱斐然奉文動帑重脩共計七百十六丈石砌磚封更四門之名東曰太清南曰平江西曰盛源北曰世潤報銷銀壹萬貳千伍百伍拾玖兩肆錢貳分柒釐三十四年八月奉准部覆保固在案

大昌歸併巫山縣

城明成化七年知縣魏璉修宏治三年通判戴琚正德二年知縣董忠陸續增修爲門三曰朝陽永豐通濟嘉靖二十六年知縣吳大章重修崇禎八年知縣

陳靖之增高其城深濬其池以禦寇明末袁宗第竊據爲寇寇平城遂廢

國初設大昌縣築土城康熙九年裁大昌縣歸併巫山縣嘉慶九年平定白蓮教匪 叅贊德楞泰以地當要隘會同 經畧額勒登保 總督勒保奏設守備營伍署縣張椿請項修築土堡三百丈以資捍衛設東南二城門西北兩炮臺道光元年被水冲塌數十丈門樓炮臺陸續倒坍四年知縣楊佩芝捐廉補修完固具報有案

夔州府志

卷四

城池

八

邑令朱斐然西井記曰巫邑雖濱大江而高踞山阜民之取汲悉資山泉舊兩井一在城外東郭曰東井一在城內陽臺之麓曰西井皆引泉鑿流以資民用西井泉出北城外里許牛蹄窩其源實出三十里外之鴉雀山甃石砌規暗流直達城中民皆賴焉

邑候選教諭史士銓東井記曰邑有井二一曰東井一曰西井西井則自北山而引入北門以便民汲東井則泉自石隙湧出在於東郭外仁泉寺傍源源不竭冬溫夏涼勝於西井雖夔東各處未有如此水之甘冽者

雲陽縣

城舊係土築明正德六年知縣梅寧始創磚城萬曆二
年大水城塌知縣文簡如法修理用石甃砌周圍八里
三分計一千四百九十四丈高一丈四尺爲門四曰朝
宗曰大壯曰南薰曰咸和乾隆五十三年被水冲塌大
東門一帶城垣嘉慶八年署知縣梁敦懷勸士民捐輸
補修完固

繫虎石在五峯山後相傳爲張三丰繫虎處康熙十九
年賊將譚宏復叛據雲陽湖北歸彝鎮守備安躍拔討

夔州府志

卷四

城池

九

之馮河奪賊龍蠡軍器又築城設奇夜巡七十餘次於
繫虎石冒矢先登遂擒僞將向旭暉等十八人卽此
龍池在縣北棲霞宮濶八尺深九尺江水泛漲枯涸池
水隨之每日清晨有雲霧結於其上故號龍池

萬縣

萬邑水陸之衝不可無高城深池前明屢經脩造成化
二十三年知縣龍濟始脩高一丈二尺正德六年知縣
孫讓增高三丈嘉靖二十三年知縣成敏貫重脩週圍
五里計九百丈高一丈五尺爲門三曰會江會府會省

萬曆二年大水臨江一帶崩塌署印主簿朱幟重脩用石甃砌萬曆壬子知縣方登書迎曦門三字於東門今皆頽廢惟三門基址尚存

國朝石城一座週圍城身長三百二十六丈三尺六寸二分高一丈零五寸乾隆三十四五等年前任知縣劉文華蕭一枝先後脩理完竣五十三年六月大河水漲將東南一帶城墻淹塌五十七丈五尺臙裂三十八丈續塌二十九丈七尺共長一百二十五丈二尺乾隆五十四五等年前任知縣孫廷錦勸諭三里紳耆糧戶捐脩完

夔州府志

卷四

城池

十

竣現在堅固城前江後山左有小溪右有苧溪故未設池

元王師能天城石壁記曰萬在江北城號天生昔昭烈上經蜀漢下窺三峽於此乎插劍蓋荆蜀之要會也得萬則忠夔可次第而下又曰八月辛未一鼓而拔其外城是則古時萬尚有外城也宋黃魯直流盃池記曰凡夔州一道東望巫峽西盡郿林泉之勝莫與南浦爭長者也

前邑令劉乃大便民池序曰天下事之稱便者必其不

便於平日一旦舉而更之而羣焉愉快者也萬邑依山
為郭取汲於江倉猝需水多所未便予為之相度地宜
去城七里之遙地名舉人關者得清泉一泓鑿石為渠
引入城內遶學宮而注之池民皆稱便因以名池按此
則萬縣城中所少者亦水今便民池已廢守土者不可
不急修也

開縣

舊築土城明成化二十三年撫治道董齡始命甃砌石
城高一丈二尺周二里許計三百六十丈有奇正德六

夔州府志

卷四

城池

十一

年署縣訓導楊文重修建樓濬池深廣一丈四門增砌

益高東曰望僊

以神仙山名

南曰瑞石

以仙女鏡石名

西曰留陽

以

將沉名

北曰盛山

以接盛山名今北門填塞

正德七年藍鄆賊猖獗至

城下攻圍四晝夜莫能冒險縣卒保全楊文之功不可
沒也後因承平日久屋廢墻圯知縣滇南李缺設法修
築復豎樓屋年久傾頽乾隆七年知縣粵西秦有年捐
造東西二樓併修南樓

國朝乾隆三十三年知縣師瑞龍率同士民重建磚城一座
高一丈二尺周二里許計三百七十三丈並建修東西

南城樓三門增砌益高東曰迎陽南曰中陽西曰留陽
嘉慶二三年間賊匪猖獗犯境城池狹小居民避難維
艱時知縣張有本累土添築外城避賊嘉慶十三年知
縣馬鳴鑾於土城舊基重建外石城一座連堞高一丈
二尺周四里許計七百四十五丈並建城墩城門五座
均增砌益高東曰臨清南二門一曰便民一曰帶彭西
曰怡桃北曰承恩內正北東西水洞二門東南角水洞
一門內外城池共十一門

文峯塔嘉慶九年知縣符永培率同士民在縣水口河

夔州府志

卷四

城池

十二

堰山建修寶塔一座曰文峯塔距縣東五里其塔九層
六坊空高七層九丈二尺三寸頂係鐵鑄連磴共高九
丈七尺八寸

大寧縣

明正德初砌石城高一丈二尺週圍三里五分計六百
三十丈門四東陽和西安平南永靖北振武舊開水洞
門在東南隅爲闔城汲水便道四圍俱高山峻嶺忽然
展出平坡通志所謂衆峯屏列峽中桃源北東南三門
俱傍大寧河卽古巫溪水由北而來繞城東而南出峽

流入巫山歸大江

明邑令解起衷新創得勝堡重城記崇禎十有六年正月
月初吉倏報寇薄歸巴漸漸窺我夔關也百姓傷弓者
相率携老穉負筐箱洶洶然莫知所之類多竄於崖洞
菁林之間若謂崖洞菁林足以苟免寇難予以爲此策
下矣莫若城守爲要蓋衆合則勢重而強衆散則勢分
而弱與其奔突喙息星散無依何如其聚一城而萬衆
一心之爲得也子輿氏曰築斯城也與民守之豈其無
見而謀此余於是乃約我父老升望測景就所謂得勝

夔州府志

卷四

城池

十三

堡者築重城焉高約千尺垣列百堵環城置堞儼然城
勢寬容數千餘人且也砌石爲門拱星爲閣望空仰視
誠哉壁立萬仞天造地設之重關也一時好義者競相
捐助而子來趨事馨鼓弗能勝也自正月初八日經始
三月十五日成功凡我百姓父兄妻孥以及姻婭族黨
頽首而同聚一城倘或有儼合異爲同有聚無散較之
苟避崖洞菁林爲何如固不啻官民庫儲之無虞也雖
然此堡名得勝舊矣從來未有修之者修之自今日始
豈民情之效順歟抑天意之式臨歟再四思維由聖天

子威福之所及而同居此城者藉以受此餘慶也夫是
爲記按解公乃明末大寧縣知縣也不言守城乃云守
堡必無城也無城而修堡以守亦一時之權變也若有
城則守城不待言矣又記云得勝堡重城意者堡在城
外修堡以護城歟文欠分晰不可知也

白鹿井在縣北三十五里寶源山麓相傳有袁氏逐鹿
於此入洞乃知水鹹遂報官煮鹽井竈之開始此

夔州府志

卷四

城池

十四

